

宮門抄

二月初七日 法部 大理院 兩院 值日無引 見恭王假滿請 安 阿王謝准其抵鎗 恩 衍聖公因伊母賞匾額謝 恩 昭公續假十日 二月初八日京電本日 召見軍機 林紹年 唐紹儀 吳重憲

諭旨

二月初八日京電本日奉 上諭四川成綿龍茂道員缺著劉元弼補授欽此

譯電

西三月二十一號倫敦來電 英大臣答覆核減洋藥問題 英國管理印度事務大臣茂爾理氏在下議院答覆議員艾勒斯氏云印度政府對於洋藥之問題已經查行到現已會議辦法中國政府現已照會英政府提議核減之辦法日前已接到明文中英兩國對此問題必能和平辦理云

駐英中國公使演說之言 英國最大巡洋艦薩杜密布勒號舉行進水典禮時駐倫敦中國公使前往觀禮并演說謂艦隊之優秀關於國家政治者甚大甚望中國亦能組織強盛艦隊又云中英兩國之睦誼以後必能益見親密云

商輪失事 非洲西部輪船公司之船智巴號在布勞洛潘德地方擱淺全船被毀幸搭客水手均無恙出所有郵件以及緊要之物均已移於岸上

西三月二十號柏林來電 法著名化學家布爾德氏現在逝世 俄議院院聲之言 俄議院現聲稱并無裁撤內閣之說 德國公使逝世 德國前駐聖彼得堡全權公使陸軍大將威爾德氏現在逝世

波斯亂事 傳聞波斯國近日又有亂黨作亂 法艦修理 法國戰艦馬爾洛號因艦底滲漏現駛到徒倫軍港修理

要聞 學部管理女學章程奏准 學部訂管理全國女學校章程已於去冬脫稿嗣經屢次改竄以期周密月前正擬出奏適有譯學館學生與四川女學生某私通信函一事發現大為女學界之障礙現學部因此事又大加斟酌昨日始將章程奏准并擬先由本部開辦女學堂一所以為各省模範云

伊犁將軍請募川民實邊 伊犁將軍長少白留守咨商川督錫制軍略謂本部堂將軍奉特旨節制新疆文武籌餉練兵一切事宜自當欽遵辦理但練兵宜招土著而新疆之土著非多籌餉宜與地利而新疆之地多曠廢則欲為邊疆久遠之謀當以遷民實邊為先務查乾隆年間本有招募內地人民前往新疆開墾之例應查照舊章奏明辦理將來有成效不獨戶口蕃滋皆成土著可以徵

丁且隰原開闢賦稅亦增即舉行商工路礦各要政俱有任用之人惟新疆與甘肅毗連應就甘肅相近之四川募選較為便易即人民之多亦以四川為最就川省論則以保甯府為川北適中之地廣元縣為甘川孔道之衝而俱與甘肅之秦州徽縣連界自應先從川北辦起蓋川省既人稠於地貧民之無以資生者實繁有徒而新疆又土曠人稀有待於人而理之勢誠能酌盈劑虛選募出關分別安置尤為兩有裨益其辦法則擬選委廉幹委員在保甯府設立選民總局會同各州縣地方官安事經理於貧戶中擇其有家室子女者設法招徠分起資送每起以各戶丁口多寡計或三四十戶或五六十戶分幫起程不使人數過多庶幾易於招呼其選募地方則由近而遠逐漸推廣並在甘肅之秦州蘭州以及涼肅哈密等處酌設分局接送其經過各州縣或派委員或歸有司經管應發之口糧以及住宿處所務期周妥俟抵新疆酌量遣赴南北兩路暨伊犁塔爾巴哈台安插每戶撥地三十畝令其墾種並給以耕牛籽種農具屋價或百戶或五十戶公築一堡俟數年後再行徵糧稅此事經本部堂將軍一再籌度似未可置為緩圖除咨達陝甘督部堂外相應咨請酌覈見覆云云

黑吉俄兵撤退 聞日前黑龍江將軍程德全吉林將軍達慶帥同有電報到京畧言吉黑二省俄兵現已一律撤盡

調查伊新警務 民政部電致伊犁將軍及新疆巡撫云伊新地接鄰都為國家最要屏障亟宜實力講求警務所有該省現辦之警察成績若何警務學堂已否設立警兵是否由學堂出身務即逐一咨覆以憑查核

粵省本年軍費之預算 兩廣督練公所近將本年籌辦新軍全鎮經費開列預算表詳請粵督察核署謂查練兵處奏定章程其餉章一門分三大端如正支額款即督練處員司薪公及軍隊之薪公餉乾等是正支活款即服裝醫藥等費是雜支活款即建造兵房購置軍械馬車輻及各項器具材料等類是現總核三大端共需銀一百三十萬兩有奇除可以暫行減省及有撥定專款外尚不足四十萬兩有奇擬懇飭下司局迅將不足經費妥籌撥集以資辦理云云

請改營口為府治 營口向歸奉天府海城蓋平兩縣並轄自通商後設廳分治遇有要事仍會同兩縣稟詳山海關道現道台梁孟廷觀察以該埠為通商要地華洋雜處交涉日繁亟應援照新民屯海龍廳成案改為府治以資治理已詳由趙將軍批飭提學使財政局籌巡道詳議具覆

禁止流通中國紙幣 據大阪朝日新聞云哈爾濱中俄銀行現請華官出示除俄用紙幣外凡華商發行之紙幣一律禁止流通因是該地華商大為惶恐

奏參長江提督 聞長江水師提督程從周軍門近被某官劾謂其任用私人不次超擢甚有不習駕駛不諳操法之人亦擢至都守等官者出巡營伍尤以供應之豐膏定人材之優劣是非顛倒黑白混淆若不迅簡大員認真陶汰則廢弛情形必至不堪設想云云並聞已有 旨著江鄂兩督查覆

本埠新聞 天津縣牌示 為牌示事照得前奉 督憲諭飭令即設立裁判先由天津辦起等因現在天津地方審判廳公署業已落成擇於本年二月初十日開辦除將縣署現審未結各案分別造冊移交外合亟牌示為此仰聞邑軍民人等一體知悉嗣後遇有命盜雜案以及戶婚錢債無論新舊案均應自赴地方審判廳公署呈請核辦縣署概不取管詞訟特此牌示 官場紀事 滄州城守尉賽崇阿氏由京赴任雄縣謝大令 監禮來津初八日上院稟見官保

審判廳諭命案 舊縣閣外何起德之妻田氏年二十一歲因與同院之蕭張氏口角以致吞服洋火身死當經審判廳豫審官龔大令親帶書記生檢驗吏前往相驗 優賞縣差 縣差楊起林承辦周張氏控徐振亮一案因辜獲要證徐周氏有功蒙地方審判廳優賞該差津錢六千文以示鼓勵 告我津人之訟訟者 地方審判廳每日審理舊案藉資演習惟因關防尚未發下故拘提人證時暫借本縣印信且用舊時差役開關未發下故拘提人由承發吏定章每票向被傳人取銀二分只合銅子三枚拘人由司法警察並不收受分文從此我津地訴訟人便利多矣 日人參觀鐵工廠 昨有日本人高君帶同譯人張某前往勸業鐵工廠參觀 追償騙銀 尤某向在日本某行司帳私虧款目不少經該行東查明意欲究辦而尤已識破又向欠該行銀兩之家冒討洋三百餘元鴻飛冥冥不知去向當經該行將尤之勇李得之送交日本警察公所勒令賠償 定期種痘 本埠有牛痘局向於春秋施種現屆春季開該局已定於本月二十五日起准願種牛痘者先行至局掛號即由三月初一日開種云

奧界房地費發交權署 奧界因拆房界民反對所有房地各費以及拆費移費該民均未具領聞奧署將此項銀兩封交海關道署請代傳領 茶捐濟學 釐局委辦茶捐項下協濟工業學堂銀若干前往該堂交納昨已免收發交批回 點差催課 津武漁葦課地向經海防清軍府征收課稅本屆開征之期昨由承行房奉諭將應行催征各差役按照卯簿開單點派

分設鄉鄰局 審判廳初十日開辦現經廳長擇在趙家場永豐屯楊柳青鹹水沽分設鄉鄰局四處凡有錢債至一百兩以下之案及細故等案均歸鄉鄰局審判云 允放春賑 前經武清黃莊老米店等村村正等來津向賑撫局稟求春賑刻聞上憲以該村等被災較重已允派員查放矣 奧界讓地限期 昨奧署出示所有界內鴿子集南官地民房統限於本月十一日一律拆交 跡近詭索 聞徐潤田者前為官南大興齋夥計早經分解現患瘋症日前協同其母徐黃氏尋向大興齋訛索當經一區巡警扭獲因案關詞訟遂送審判廳訊辦 脚夫爭毆案開釋 有義界脚夫尹長春等十四名前因在義界屢次爭毆請將尹長春等一併函送總局嚴究分別監禁茲又由義署函請開釋昨已由總局一併開釋云 認罰保釋 昨雲昇木廠因佔官地掘署罰禁黑屋等情已登昨報茲悉有隣右多人出為央求當經奧署按章科罰已予保釋 催領屋費 關廳一帶被拆各戶昨已示領屋費迄今二日無一領者現經捐房特飭該管地方傳吉升於初七日早逐戶催領 分發稅則 近因各稅卡屢更員役於例多不嫻熟刻由總局頒發稅則各一本俾各貨稅便於稽核 飭緝逃軍 刻奉法部咨緝江西吉水孫發配軍犯周某在路潛逃現經官保分札各道飭府轉飭所屬各州縣務須一體認真緝拿 勘地繪圖 昨見義租界由工程師將界內地段逐勘並繪圖傳言將開馬路未知確否 查獲私竊電線 楊村村邊南頭于正月二十九日失去銅電綫約一百餘丈當經電線巡目焦恩智巡至該村見有攔攔賣銅鐵內有銅綫一把約八尺許當即盤詰係由王永恒手買當將王拘送楊村訊管押即經該隊官趙玉林君據詳南段總局核辦 判罰苦力 有積賊劉寶善年十八歲新民屯人日前經三局一區獲詳總局懲辦昨經職員夏刺史訊明將劉判罰苦力一年

官場行程紀 初七日 天津道寶觀察延馨 由津晉京 初八日 海防營務處李總戎鼎新 由京來津 冀州劉刺史紹鄰 由京來津 陸軍第二鎮統制馬軍門龍標 由津回遷安